

黔南叢書

第五集第七冊

平黔紀畧卷十

黔南叢書第五集

貴陽羅文彬
華陽王秉恩
編纂

同治二年癸亥春正月打邦賊趨鎮甯初九日畢大錫

移營張官堡

州南六十里

賊大至軍潰附近夷寨皆視官

軍勝負爲向背幟亦隨易至是復樹白幟回賊幟白

也於是羅孝連始援至小寨

州南八里

卒遇賊亦潰副將

田慶龍戰沒失亡頗多孝連退駐州北門大錫募練

出掘下募役司

州西二十里

李崑出駐五里塘

司前距賊營數里

皆乞援田興恕先檄副將胡均祿援歸化繼檄回廣

順已復遣赴安順至是趙崇慶說令赴鎮甯同時毛

口賊渡河剽畧王萬祥退郎岱嚴謹扼打鐵關

廳西十五

里

促萬祥出防養馬廠

廳西五十里

崇慶以軍糧皆捐於

民恐日久民力不支請嚴飭諸軍進勦 初十日奉

上諭田興恕以獲咎之員朝廷飭令赴川交駱秉章

差遣黜陟自有權衡乃韓超接奉迭次諭旨並不催

令趕緊起程尙爲嘵嘵瀆請實屬胆玩已極所稱田

興恕所部欠餉甚鉅該提督一旦赴川恐統率無人

兵勇索餉滋事等情前已有旨令張亮基馳赴貴州

接署提督篆務田興恕離黔後此項兵勇統歸張亮
基調度朝廷自爲責成張亮基妥爲撫綏彈壓卽各
營欠餉亦自能設法補苴何至輒以恐生他變任意
逗留置朝命於不顧所有韓超請將田興恕暫留黔
省之處著不准行仍著遵照迭次諭旨飭令該提督
趕緊赴川聽候駱秉章調遣如再執意遷延必將韓
超一併治罪懍之欽此 十一日桐梓內奸啓賊入
守者潰姚華勝率軍力擊出斬數十人委辦正安團
前知縣胡鑑在城聞變走出爲團阻回賊旋犯大林

木華勝擊敗之追至鼎山副將張開友亦由婁山關

攻至紅花園

縣南二十里

會華勝攻鼎山歸化賊多走

合打邦周發榮亟趨連升關擊散賊逕薄城趙德昌

由紅沙關

歸化南六十里

適至東燦南亦率團集城下餘

賊東走十三日諸軍入城發榮還安順崇慶說令馳

赴關嶺於募役司爲近且可援郎岱德昌出防播東

臨東

崇慶請飭令再出四十里防播西內擊打邦外截

百層

貞豐四十里西北界永甯

永甯賊尾

貞豐賊破桑郎亭竄

羅蘇

羅斛南九十里

署羅斛州判郎汝城募練百人同汎千

總趙琛外委胥得仁出防羅斛舊無城十六日賊遂
入汝城走定番 二十日黃精賊至札佐全祖凱諸
軍皆潰退 潘名杰結亮水擺郎賊分攻岔河屯羅
光明疾荔波九千賊就撫旋率賊出水播趨九千

金太文退守印江賊屢攻夫子壩並分黨擊潰磨溪
巖團營剽掠縣屬大道爲梗會太文先後遣赴湖南
募練千五百人始至因約章樹勳廖遇春遣團練西

敗磨溪賊 田慶治及遊擊田慶祥連日擊賊雨壇

堡

安化西百五十里

平陽蓋

思南西百七十里

頗有斬獲進攻廟壩

軍功田景山陣沒賊堅守不出時總兵龍再福勦廟

壩久無功將調省攝正安知州李咸中復稟留率衆

駐方家河

距縣西二十餘里

不進賊旋分黨出再福營復逼

豐樂河糧營慶治軍以糧絕遽引還豐樂河再福旋

以部將刦殺鄉民咸中以加徵丁糧皆褫職

二月初一日毛口河賊至養馬廠王萬祥以數百人一

再奔北不復成軍至是復潰回郎岱賊追薄城嚴謹

及都司雙祿禦守賊旋退 李崑屢勦至上下石灰

永甯西南募役司三甲

初一日周發榮軍至連敗之落科中寨

志作落柯亦募役三甲

奪據老君關賊悉由董箐壩灘渡河去

鎮甯賊剽畧八十石

永甯東南里司總名

吳官堡

鎮甯西南七十里界

永甯東南募役司三甲董貢

永甯東南募役司三甲

畢大錫及副將林貴祥連敗之

大錫進軍打邦板羊

永甯東南上三馬

時六馬諸夷苗均隨

回賊渡河走漢寨全毀夷寨雖空村落猶存於是趙

崇慶以安順全境畧清稟陳張亮基請進規興義畧

曰近聞興義府縣貞豐漢夷民人以回賊出犯安順

腹地空虛且迭受回虐集團分圍三城並攻新城貞

豐已復以鄉團不諳城守越日復陷各鄉現樹紅旗

專候官軍過江殺賊又聞廣西代理西隆州知州陳
錫藩亦請趙鎮速進機會可乘必普安安南貞豐收
復然後興義府縣可圖安順可守現在羅孝連周發
榮已回府城趙德昌駐歸化已五十日均停兵以待
正宜乘此回賊內變漢團齊心飛飭趙軍同署郎岱
同知左茂森出毛口先規普安縣再圖普安廳周軍
會李崑出盤江逕取安南羅軍同束燦南出壩灘逕
取貞豐三路並進又有漢團中起必易得手惟師行
糧從刻不可緩應請遴員遙署貞豐安南並革職留

任駐鎮甯之普安知縣陳澍南同過河勸捐民糧以
饌軍餘如雜佐等缺亦乞預定如城未復則辦團籌
糧既復則撫綏搜捕與一切善後事宜庶資經理不
致有城無官其諸軍餉銀及各員經費則於安順清
鎮釐金月撥接濟過江後務期秋毫無犯於民否則
兵勇不戢以回易回雖能復城誰與共守亮基如所

稟檄諸軍進剿

號匪多走遵義上溪場

縣南九
十里溪

距茶山關十
里南入烏江

沈宏富于鍾岳以候補知縣秦安慶馳

防嬾板堯

縣南四
十里

初二日賊大至安慶力戰陣沒賊

至忠莊鋪勢甚張韓超田興恕方檄宏富于鍾岳剿

桐安賊宏富以營務付候補同知張日崑遽去桐時

梓賊已走仁懷何顯往仕援號匪遂潰參將楊雙貴

等援軍於魚洞坡及鄒開貴蘆江水營

水出遵義南六十里距茶

山關二十里南入烏江

惟副將王國珍率團衆結營貓山戰稍

利十四日賊悉衆圍貓山日晡檄開貴馳援遙隔兩

山虛聲應賊圍國珍數重士卒饑疲多潰國珍獨持

矛陷陣戰死螺螄堰賴板堯鴨溪皆賊宏富始檄顯

仕回援於是巡撫張亮甚至白遵義嚴斥宏富于鍾

岳摘頂翎勒限剿辦宏富始馳回進勦嬾板堯督軍
連戰皆勝遂復螺螄堰都司沈學見陣亡全祖凱亦
率四百人渡烏江進同時擊敗賊進剗銀頂山初鄧
爾巽在遵義頗事掊斂有曰團捐者量團大小捐輸
也曰提捐者差提富戶入城捐輸也團捐多者數百
提捐自百而千而數千至再至三雖數金亦爲捐戶
矣曰厘穀者按畝抽收如釐金然曰練穀者折價解
局局歸官支所募練也追呼迫急民不聊生府城舊
有常平大有倉穀五萬餘石復餽餉沈宏富玉華山

軍儲蓄爲之一空斗米千錢死亡頗衆至是亮基奏
請免抽釐穀畧曰遵城人心雖已大定惟被髮匪及
黃白號蹂躪五次地方凋敝不堪前撫臣因經費支
絀通飭各屬抽收釐穀民甚苦之臣日擊災黎不能
不宣布皇仁加意撫恤業經出示卽將釐穀永免抽
收百姓無不歡欣鼓舞又奏黔省環境皆賊用兵愈
廣籌餉應難值此匱乏已極軍食所需不能不藉資
民力但使損下益上無妨大局何敢輕議紛更惟抽
收釐穀利輕害重其應免抽者有三竊惟理財行政

首以養民爲先唐臣陸贄云人者邦之本財者人之
心心傷則其本傷本傷則枝葉顛瘁斯害良堪深省
黔省瘠苦爲甚而陷賊府廳州縣已十有七處所存
者亦俱疊遭兵燹十室九空此時卽極力培養元氣
猶懼無以起衰救弊何堪大張羅網再爲竭澤之漁
今忽創收釐穀頭會箕歛搜括無遺瘠壤愈就凋零
完區亦成殘破譬猶醫瘡剜肉瘡未愈而肉已成瘡
勢必至於徧體糜爛剜無可剜而後已其宜免一也
抽穀之由原爲養兵剿賊乃何以未抽以前用兵而

兵如常旣抽以後殺賊而賊愈多其爲苛政之逼而爲盜流弊顯然如唐太正宗所云剜肉以充腹飽腹飽而身亡軍務之利鈍不關釐穀之有無於此亦可概見况通省遵辦者不過十數州縣餘皆扞格難行前年立法之初尙收穀二十餘萬去冬則僅收十萬有奇今年卽復誅求而所獲更屬有限刻下省庫一無所入各官仰屋興歎莫展半籌若非臣攜餉而來幾難勉支危局加以近來各屬徵收錢糧民間每以釐穀藉詞積欠纍纍維正之供轉歸無著羸於此而

絀於彼得失正復相等其宜免二也黔民向無巨富
每以力穡謀生邇來築寨堡應夫役供軍糧民力早
已大困今又加以釐穀脅之以軍法繼之以官紳肆
虐小民終歲勤動區區升斗之入均不能留以自贍
其情誠爲可矜悉索之餘富者以貧貧者以盡生計
日蹙糧價日昂窮民無以聊生或轉死溝壑或去而
從賊比比皆然咸豐十一年十二月間清鎮縣鄉民
戕殺委員本年春間正安州幾致民變遵義桐梓縣
奸民引賊入境臣未到以前省中人情洶洶勢亦危

如絲髮推原其故無一不由釐谷一事釀成衅端臣
若踵而行即使慎選良吏釐剔弊端而事有類於奪
民害更甚於加賦歛怨召禍終爲厲階其宜免三也
臣在川時卽聞釐穀之害迨人黔境愁怨之聲盈於
遠近并聞有清查逆產一事各屬卒遭寇警村民力
不能敵或饋糧送款延喘須臾或被脅勉從苟全性
命不肖官紳遂皆指爲叛逆查產入官甚至藉此霸
佔堅從賊之心而杜投誠之路其害與釐穀同臣到
任後卽出示一併禁革百姓聞風鼓舞咸有更生之